

ادبیات عمومی و تاریخی

هفته‌لق سیاسی، ادبی و علمی غزته‌در.

جلد : ۱

سنه : ۱ ۸ جمادی الآخر ۱۳۳۵ جمعه ایرتسی ۳۱ مارت ۱۹۱۷ نوسرو ۲۲

اندلسه دائر

— کچن نسخه دن مابعد —

۲ — عربده شدتلی بر تفرقه واردی. اندلس تفرقه لری، مجهول اولدینی اوزره، جزیره ک فاطمیری موسی بن نصیر و طارق بن زیاد آره سنده کی اختلافدن باشلیور. جغرافیونک ایضاخه کوره (*) ایبه ریا یاریم آطه سنک تشکلات طبیعییه بی مختلف حکوماتدن مرکب بر هیئت متحده نک [فهده راسیون، قونقه دهه راسیون] ترکیبیه زیاده سیله مساعددی؛ لکن، بر عکس اوله رق، مرکزیت اصوله رعایتکار برتک دولتک تشکله اصلا الیورشی دکلدی. بویله بر حکومت مستقله نک تشکله کرک مسلمانلر، کرک خرسیتیانلر بوشنه غیر قکش اولملردی. غیرت دینه بیله هر ایکی مذهب اربابنک آرزوسنی تطمین ایده مدی. طویراغک تقسیمات طبیعییه سی مملکتک بری برندن آیری حکوماته انقسامنی ایجاب ایتدی. Sierra Nevada جبال و جنوبک جبال ساحلیه سنک تشکیل ایتدیکی حوزه، مناطق سائرده دن کلیا مستقلدر. اندلس ایسه بشقه قطعاتدن کاملاً مفروز برالکادر. بونکله برابر نفس اندلس بیله سهولته مناطق تالییه تقسیم اولته بیلیر؛ چونکه اندلس قطعه بی واقعا اوزون ایسه ده کنیش دکلدی؛ کذلک طاغری ایله حدودی پک مفروز اولان غرطه سیاسی قولایلقله ممالک سائرده قارشی سد ایدیله بیلیر بر مملکتدر. بونک کبی شمالده Manche، Estremadura، Sierra Morena، مرسیه و بلنسیه نک ده جغرافیا اعتباریله استقلاللری درکاردر. بوندن طولاییدر که صوک زمانلرده خرسیتیان اسپانیا وسائط وافکارک تحویل سایه سنده وحدت ملیه و سیاسییه سنی حیز حوله چیقارنجه یه قدر کرک مسلمانلر دورنده، کرک آندن اول و صکره ادوار خرسیتیانیه ده تفرقه لره اوغرامشدر. بوکون بیله پورتوغال، اسپانیادن کلیا مستقلدر. [قتالونیه] ایسه اسپانیا تاجنه عائد اولقله برابر مرکزدن تباعد حسلیله مضابدر. بو وضعیت جغرافیه تسلطنلری، تفرقه ملوک وولاتی استجلاب ایتدی.

(۳) — عرب استیلاسی سریع اولمشدی. یاواش اولسه ایدی اراضی دها اساسلی بر صورتده استملاک ایدیلیردی. اهالی دهها قطعیتله مملکته یرلشیردی. بوسرعت بر عکس العملی، بر اجتماع موجب اولدی. بویله عجماله فتح مملک ایچون فضله قوه عضویه صرف ایدلیدی؛ بالاخره، مملکتی مدافعه ایتمک اقتضا ایدنجه خزائن ملتده او قدر قوا قالمامشدی.

(*) E. Reclus, L'Homme et la Terre, vol III, p. 449

بلبله

قصائدك اوقونور لوحه طبیعتده
غریب شاعری كلك خدانك ای بلبل
نشایدك طویولور فجر صبح اولده
قدیمدر اوقدر خاندانك ای بلبل

عبدالحمید صامر

ای شهنشاه کشور الحان
ای بویوک شاعر طبیعت که
خاکك ای بی مائل آهنگی
صاف وبرجسته بر نشیده اولان
صمدانی سرود حسکدر ،
سکا کلش وایلش بیعت
هرزمان وزمینده هر شاعر . .
تاجدران عالم صنعت
نغمه دن بر هدیه ، برجزیه
کتیرر بارگاه شوکتکه .
و فقط کندی کنج ثروتکه
نسبه هر ترانه بیوایه
بر صدای شکسته بسته قالیر .
هانکی شاعر سنک قادار فیاض
موسیقیساز عشق وخولیادر .
شیمدی ناکفته بر اینن نیاز ،
شیمدی بر ناشنیده لحن وصال ،
صوکره ابعاد جوی طی ایدرک
سدره المنتهایه یوکسله جک
کبی ممدود بر سرود خیال .
سنده در هپ سرائر الحان :
لحن کریان ، ترانه شاطر .

عکسی اعصار ایچنده دالغه لانا
بی نظیر ارغنون سودادر

کیجه نك قلب معبدنده سسك .
قوشلرك اك كوچوكلرندن ایکن
ای خیال آفرین آهنگك اك
اسکی خواننده الهیسك .

وصف ذالکده ، ای مبارک قوش ،
سوزلرم پك سونوك قالیر ، زیر
پادشاهان نظم ونثر اولش
قصر یادکده هپ مدیحه سرا .

اك بویوك شاعر ، اك معظم ادیب
فکر ایدرکن سنك مفاخریکی
بولیور خاندان شاعریکی
فجر اول قادار قدیم ونجیب .

فجر اول قادار قدیم واصل !
آشیانك دیمك سمایه قریب . .
ای حکمدار نوبهار - اکیل
سکا شایان دکل بونظم غریب .

بنده حالجه ، کترین و فقیر
ارمغان روان و قلبماله

کلدیم اظهار حس تجیله .
اوت ای شهریار غنجه - سریر ،

بوپریشان قصیده دن مقصود
ملك الشعره عرض بیعتدر .
اك بویوك سلطنت ، مصون حدود
اومعالیسرای صنعتدر .

۱۰ نیشان ۳۳۰

فائزه عالی